

WAJAH CERMIN HATI, kata pujangga. Mata jendela jiwa, katanya lagi. Pada zaman moden ini, kata-kata pujangga ini boleh ditafsirkan kepada bagaimana kita menampilkan wajah kepada umum. Lebih mudah, solekan dan pemakaian aksesori yang boleh menonjolkan kelebihan pada paras semula jadi kita.



# Kenali Kategori wajah

Untuk memudahkan anda memadankan gaya dandanan, memakai aksesori dan mengenakan solekan

Mulai bulan ini Jelita bersama Pakar Perunding Imej dan Kecantikan, Wendy Lee, membantu pembaca mengenal pasti bentuk wajah agar anda dapat memanfaatkan kelebihan dan mengurangkan ketaraan cela pada wajah supaya tampil menarik sentiasa. Lee adalah pengasas firma perunding, Chapter One Colour, Style and Image Consultancy. Mendapat latihan di bawah Ann Reiten daripada 'The Australian Image Company' dan Pat Vincent Scott daripada 'The Colourflair Studios, United Kingdom.' Lee juga ahli Persatuan Perunding Imej Antarabangsa (AICI) dan Persekutuan Perunding Imej (TFIC). Pada 2004, Wendy dianugerahkan hadiah Perunding Imej Asia Terbaik daripada The Australian Image Company.

## Ada sembilan kategori bentuk wajah:

1. Bujur
2. Bersegi
3. Lonjong
4. Bujur sireh
5. Bulat
6. Segi empat
7. Segi tiga
8. Hati
9. Segi tiga songsang

Untuk memastikan bentuk sebenar wajah anda, sikat dan suak rambut ke belakang dengan rapi supaya keseluruhan wajah, pelipis, dahi dan dagu kelihatan.

Lima perkara diteliti untuk mengenal pasti bentuk wajah.

1. Bentuk garis luar wajah
2. Panjang bentuk muka
3. Lebar muka
4. Jarak anggota muka seperti mata, hidung dan mulut antara satu sama lain.
5. Ukuran anggota muka

## Cuba dua langkah mudah ini:

### • Kepanjangan

1. Adakah bentuk wajah:
  - panjangnya lebih daripada lebar? ( rajah A) — bentuk lonjong, bersegi.

- Hampir sama panjang dan lebar? (B) — bulat, segi empat
- panjangnya sedikit sahaja daripada lebar? (C) — bujur, bujur sireh, hati, segi tiga songsang, segi tiga.

### • Dagu

2. Adakah dagu anda:
  - bulat? (rajah A) — bentuk muka bujur, lonjong.
  - lebar?(rajah B) — bentuk segi empat, bulat, segi tiga, bersegi.
  - runcing? (rajah C) — bentuk muka bujur sireh, hati, segi tiga songsang.

### Tip:

- Bentuk pelipis tidak begitu penting untuk menentukan bentuk wajah dibandingkan dengan panjang wajah, bentuk rahang dan dagu.
- Bentuk muka bujur mempunyai saiz mata, hidung dan mulut hampir sempurna. Hanya satu daripada 50 orang memiliki bentuk muka bujur. Mereka ini boleh memakai apa jua jenis topi, tudung, gaya rambut dan kaca mata.
- Saiz mata, hidung dan mulut mungkin merubah gambaran sebenar bentuk wajah.



Lonjong



Bujur



Bulat



Bersegi



Segi empat



Segi tiga



Bujur sireh



Segi tiga songsang



Hati

		Rahang lebar bulat	Rahang lebar bersegi	Dagu runcing	Rahang bersegi	Dagu bulat
PANJANG KESELURUHAN	Panjang wajah lebih daripada lebar				bersegi	lonjong
	Panjang sedikit daripada lebar	bentuk buah pir	segi tiga	bujur sireh		bujur
	Hampir sama panjang dan lebar	bulat	segi empat	segi empat		

PANJANG



Bersegi (A)



Bulat (B)



Bujur (C)

DAGU



Bujur sireh (A)



Segi empat (B)



Lonjong (C)